

„**DIREKCIJA ZA ROBNE REZERVE KANTONA SARAJEVO**“, ulica Alipašina b.b. Sarajevo, ID broj: 42000173840008 koju zastupa direktorica **Jelena Pekić mag. oec.** (u daljem tekstu: Kupac) i

„**LB METAL d.o.o.**“, Tešanj-Jelah, ulica Rosulje b.b., ID broj 218920920004, kojeg zastupa direktor Kurdić Muhamed (u daljem tekstu: Prodavac), zaključili su dana 26.11.2020. godine

UGOVOR **o nabavci paletnih regala**

Član 1.

(Predmet ugovora)

Predmet ovog ugovora je nabavka rabljenih paletnih regala sa svom potrebnom opremom, a za potrebe redovnog obavljanja poslovanja Kupca.

Član 2.

(Vrijednost ugovora)

Ukupna vrijednost Ugovora iznosi **7.020,00 KM** (sedamhiljadadvadesetkonvertibilnih maraka), uključujući porez na dodanu vrijednost (PDV).

Član 3.

(Obaveze Prodavca)

Prodavac se obavezuje, kako slijedi:

1. Da izvrši isporuku rabljenih paletnih regala iz člana.1 ovog Ugovora, slijedećih karakteristika:
 - a) **Vertikalni (stub) nosač H 1,7 m (komada 50);**
 - b) **Horizontalna prečka paletnog regala 2,7 m, tri euro palete (komada100);**
 - c) **Nosivost po jednom paletnom mjestu (euro palete) min. 1.000 kg ;**
 - d) **Sidreni vijak sa tiplom, osigurač prečke;**
2. Da izda Garanciju na proizvod u trajanju od 6 mjeseci;
3. Da izvrši prevoz i ugradnju paletnih regala- paritet skladište Kupca;
4. Da ispoštuje rok isporuke i ugradnje od dana potpisivanja Ugovora o nabavci;
5. Da nakon cjelokupne isporuke proizvoda dostavi Kupcu fakturu.

Član 4.

(Obaveze i prava Kupca)

Kupac se obavezuje da će izvršiti uplatu dostavljene fakture nakon završenog posla na račun Prodavca najkasnije u roku od 15 dana od ispostave fakture.

U slučaju da roba koja je predmet ovog ugovora u svojim pojedinim dijelovima nije u skladu sa tehničkim karakteristikama i specifikacijom iz člana 3. Ugovora, a što garantuje Prodavac, Kupac zadržava pravo da Prodavcu ukaže na te nedostatke i da traži zamjenu cjelokupnog ili pojedinačnog predmeta nabavke.

Kupac zadržava pravo reklamacije i na djelimične nedostatke koji su predmet ovog ugovora, ako ti nedostaci budu otkriveni neposredno nakon preuzimanja robe koja je predmet ovog ugovora.

U slučaju ne ispunjenja ugovorenih obaveza Kupac zadržava pravo jednostranog raskida ugovora.

Član 5.

(Period trajanje ugovora)

Ovaj ugovor se zaključuje na period od 26.11.2020. godine do 05.12.2020. godine, kada ističe rok za isporuku robe koja je predmet ovog ugovora.

Član 6.

(Rješavanje sporova)

Sve eventualne nesporazume koji proisteknu iz ovog ugovora ugovorne strane su saglasne da rješavaju mirnim putem, a u slučaju spora nadležan je Općinski sud u Sarajevu.

Član 7.

(Primjerci ugovora)

Ovaj ugovor je sačinjen u četiri istovjetna primjerka od čega po dva primjerka za svaku ugovornu stranu.


Direktor

Kurdić Muhamed



Broj:

Sarajevo, 26.11.2020. godine



Broj: 02-25-590-22/20

Sarajevo, 26.11.2020. godine